



25 ნოემბერი, 2024 წ.

ბრძანება N01-02/ 197

„აგროსტიპენდიის“ მიმღები ბსუ-ს სტუდენტების და პროფესიული სტუდენტის
შესარჩევი კონკურსის თაობაზე

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „ბსუ-ს სტიპენდიების დანიშვნისა და გაცემის წესის დამტკიცების შესახებ“ ბსუ-ს წარმომადგენლობითი საბჭოს 2023 წლის 17 ნოემბრის N07-01/58 გადაწყვეტილების, საქართველოს გარემოს დაცვისა და სოფლის მეურნეობის სამინისტროს საჯარო სამართლის იურიდიული პირი „გარემოსდაცვითი ინფორმაციისა და განათლების ცენტრს“ (შემდგომში - „ცენტრი“) და ბსუ-ს შორის 2024 წლის 24 ოქტომბრის მემორანდუმის და ამავე მემორანდუმის თანახმად 2024 წლის 20 ნოემბერს გაფორმებული „აგროსტიპენდიის“ ნომინაციების ფარგლებში თანამშრომლობის შესახებ ხელშეკრულების, სტრატეგიული განვითარებისა და საერთაშორისო ურთიერთობების დეპარტამენტის უფროსის სამსახურებრივი ბარათის (N 21/11/2024 *MES 8 24 0001501460) საფუძველზე

ვ ბ რ ძ ა ნ ე ბ:

1. „აგროსტიპენდიის“ მიმღები ბსუ-ს ტექნოლოგიური ფაკულტეტის „აგრარული ტექნოლოგიების“ საბაკალავრო საგანმანათლებლო პროგრამის 2 სტუდენტის და პროფესიული პროგრამის „მებაღეობა“ 1 პროფესიული სტუდენტის შერჩევა განხორციელდეს 2024 წლის 20 ნოემბერს სსიპ „გარემოსდაცვითი ინფორმაციისა და განათლების ცენტრთან“ გაფორმებული „აგროსტიპენდიის“ ნომინაციების ფარგლებში თანამშრომლობის შესახებ ხელშეკრულების“ შემდეგი პირობების შესაბამისად:

1.1. ბსუ-ს ტექნოლოგიური ფაკულტეტის „აგრარული ტექნოლოგიების“ საბაკალავრო საგანმანათლებლო პროგრამის სტუდენტის შემთხვევაში კანდიდატის შერჩევის კრიტერიუმებია:

ა) კანდიდატს სწავლის პროცესში დაგროვებული უნდა ჰქონდეს არანაკლებ 60 კრედიტი და მისი საშუალო სარეიტინგო ქულა არ უნდა იყოს 81-ზე ნაკლები; უპირატესობა მიანიჭოს უფრო მაღალი ქულების მქონე სტუდენტს;

ბ) 2024-25 სასწავლო წლის შემოდგომის სემესტრში შესაბამის კანდიდატს უნდა ჰქონდეს აქტიური სტუდენტის სტატუსი;

გ) კანდიდატმა უნდა წარუდგინოს ფაკულტეტის დეკანს, შესაბამისი პროგრამის ხელმძღვანელის სარეკომენდაციო წერილი;


დ) უპირატესობა მიენიჭოს იმ კანდიდატს, რომლებსაც წარდგენილი აქვთ სამეცნიერო ნაშრომი საუნივერსიტეტო კონფერენციაზე და დაიმსახურეს მაღალი შეფასება.

1.2. ბსუ-ს პროფესიული პროგრამის „მებაღეობა“ პროფესიული სტუდენტის შემთხვევაში კანდიდატის შერჩევის კრიტერიუმებია:

- ა) პროექტის (პრეზენტაციის) შემუშავება/წარდგენა პროფესიული პროგრამის „მებაღეობა“ თემატიკის მიხედვით;
- ბ) რეკომენდაცია პროფესიული მასწავლებლებისგან;
- გ) რეკომენდაცია დამსაქმებლისგან/პრაქტიკული სწავლების ინსტრუქტორისგან;
- დ) განმავითარებელი შეფასება;
- ე) დასწრება.

2. შერჩეულ სტუდენტებს „აგროსტიპენდია“ (საბაკალავრო პროგრამის თითო სტუდენტზე 1000 ლარის ოდენობით, ხოლო პროფესიულ სტუდენტზე - 500 ლარის ოდენობით) დაენიშნოთ არაუგვიანეს 2024 წლის 28 ნოემბრისა.
3. წინამდებარე ბრძანების აღსრულებისათვის ბსუ-ს ტექნოლოგიურმა ფაკულტეტმა საბაკალავრო სტუდენტების შემთხვევაში, ხოლო ბსუ-ს პროფესიული პროგრამების მართვისა და უწყვეტი განათლების ცენტრმა პროფესიული სტუდენტის შემთხვევაში უზრუნველყოს:
 - ა) „აგროსტიპენდიის“ შესარჩევი პროცესის შესახებ შესაბამისი ინფორმაციის მიწოდება სავარაუდო კანდიდატებისათვის (სტუდენტებისათვის/პროფესიული სტუდენტებისათვის), მათ მიერ ამ ბრძანებაში აღნიშნული საკონკურსო პირობების შესაბამისად ინფორმაციის/დოკუმენტაციის წარმოდგენის მიზნით;
 - ბ) „აგროსტიპენდიის“ მიმღები კანდიდატების შერჩევა (შეიქმნას შესარჩევი კომისია ფაკულტეტის დეკანის ბრძანებით/ბსუ-ს პროფესიული პროგრამების მართვისა და უწყვეტი განათლების ცენტრის დირექტორის მიერ) და შერჩევის შედეგების შესახებ სამსახურებრივი ბარათის წარმოდგენა - არაუგვიანეს 2024 წლის 27 ნოემბრისა;
 - გ) აგროსტიპენდიის მიმღები კანდიდატების შერჩევის საფუძველზე გამოცემული სტიპენდიის დანიშვნის თაობაზე ბსუ-ს რექტორის ბრძანების, ასევე ცენტრის მიერ ჩამორიცხული თანხის შესაბამისი სტუდენტებისათვის აგროსტიპენდიის ჩარიცხვის თაობაზე ინფორმაციის და დოკუმენტაციის წარდგენა.
4. ბრძანება განთავსდეს ბსუ-ს ტექნოლოგიური ფაკულტეტის და ბსუ-ს პროფესიული პროგრამების მართვისა და უწყვეტი განათლების ცენტრის საინფორმაციო დაფებზე და ბსუ-ს ვებგვერდზე (ველში „კონკურსები“, „ფაკულტეტის სიახლეები“/„ცენტრის სიახლეები).
5. ბრძანება დაეგზავნოს ბსუ-ს რექტორის მოადგილეს (ა. ბერიძე), ხარისხის უზრუნველყოფის სამსახურს, ტექნოლოგიურ ფაკულტეტს, ბსუ-ს პროფესიული პროგრამების მართვისა და უწყვეტი განათლების ცენტრს, სტუდენტთა კარიერული განვითარების, კულტურისა და სპორტის დეპარტამენტს, სტრატეგიული განვითარებისა და საერთაშორისო ურთიერთობების დეპარტამენტს, საფინანსო-ეკონომიკურ დეპარტამენტს, საინფორმაციო ტექნოლოგიურ სამსახურს, იურიდიულ დეპარტამენტს.
6. ბრძანება ამოქმედდეს ხელმოწერისთანავე.
7. ბრძანება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მის: ქ. ბათუმი, ს. ზუბალაშვილის ქ№30).

რექტორის მოვალეობის შემსრულებელი,
პროფესორი



მ. ხალვაში